

Powšitkowne WOZJEWJENJA

njedźelu, 11. septembra 2016

Wotewrjene pomniki

Zajimcy móža sej tutu njedźelu, 11. septembra, tež we Łužicy wšelake pomniki wobhladać, kotrež hewak přistupne njejsu. Na přikład stej to cyrkej w Budyskim jastwje a Smochčanski Dom biskopa Bena.

Patronatna Boža mša w Chróscicach

Wobydlerjo a přistajeni Domu swjateje Ludmile w Chróscicach woswjeća pjatk, 16. septembra, swój patronatny swjedzeń. Džakna Boža mša budže w 10 hodž. we wosadneje cyrkwi. Wšitcy wěriwi su wutrobnje přeprošeni. *W. Brězan*

Hudźbny nyšpor w Budyskej serbskej cyrkwi

Na kermuši cyrkwe Našeje lubeje Knjenje w Budyšinje njedźelu, 18. septembra, budže we 18.00 hodž. dwurěčny hudźbny nyšpor. Jón wuhotuja saksofonist Thomas Siegmund, Michał Donat a cyrkwinski hudźbny direktor Friedemann Böhme na piščelach. Zastup je darmotny, při cyrkwinych durjach přewjedže so zběrka.

Nyšpor z požohnowanjom konjacych zapřahow

Towarstwo Cyrila a Metoda, sekcija wěda a skutk, přeprošuje tež lětsa na wosebity nyšpor domchowanki z požohnowanjom konjacych zapřahow. Tutón budže njedźelu, 25. septembra, w 14 hodž. w Chróscicach na łuce při Hatkach. Wšitcy su wutrobnje přeprošeni.

Zhromadny dzeń za 3. a 4. lětnik

Dekanatne dušepastyrstwo přeprošuje džěci 3. a 4. lětnika sobotu, 24. septembra, wot 9 do 15 hodž. do Don Boskoweho domu we Worklecach. Zhromadny dzeń šulerjow změje hesło „Swjeć swjedźenje!“ Zajimcy njech so prošu hač do wutory, 20. septembra, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdźělnika přinošk, kotryž wučinja štyri eura.

Duchowna hudźba w tachantskej cyrkwi

20. chórowy koncert Katolskeho tachantskeho chóra budže njedźelu, 25. septembra, we 18 hodž. w Budyskej tachantskej cyrkwi. Wumělski nawod změje cyrkwinski hudźbny direktor Friedemann Böhme. Wšitcy su wutrobnje přeprošeni.